



人蕩江湖

中學時，佢係個典型的愛國佬，書蟲，成日睇埋D古靈精怪書
我心想這次領嘢！不過，美女當前，又無理由較腳，只好頂硬上
或許來電的是她的男友，或收埋佢嘅波士，總之，我就冇晒地位
我一肚氣走出街，順手大力嘍埋佢度門。這些中環女人

人蕩江湖

李阿飛

這個聖誕最大的驚奇是——我的聖誕是和ANTOINE 渡過。安東是我中學時的同學，但自從畢業後，他進了大學，我出來四圍「蒲」，我們都沒有見過面。中學時，但係個典型的愛國佬，書蟲，成日睇埋D古靈精怪書，又用「十心」的筆名在學生報寫吓文章，可能以為我幾醒目，得明團結我去吓「五四座談會」，聽人講什麼「苦難的中國有明天」，又塞些文社刊物我睇，後來聽講係大學嘅活躍份子，周時有文章或新聞見報。因此我接到佢電話，登時一愕。更驚奇的是，當我應約去到佢開的舞會時，見到佢身光頸靚，成身PIERRE CARDIN，重改了個法文名字ANTOINE 添。還記得，那時在中學，鬼佬神父說為方便叫我們，要我們每人都改個英文名，他反對甚烈，足足拗成堂，最後神父無符，只好次次「WU」「WU」聲叫他的姓（他姓「胡」）收科。

如今他當了YOUNG EXECUTIVE，响中環番工，幾千嘢一個月，自然要叫ANTOINE 了。那些綺雲，寶希，不全變晒LINDA, SOPHIA 了嗎？抗拒是沒有用的，我阿飛不早在F·1 時叫ALFIE 嗎？

誰想到這個舞會竟是我惡夢的開始。我心想這群YOUNG EXEC，總有不少是婦解信徒吧！我袋裡有幾舊水，和一包DUREX，這次總派用場了吧！但去到舞會，碰到呢班中環靚女，省就係省鏡，不過個個英文咯咯聲，講嘅嘢我又唔係幾明，想表現吓自己都難，有個問我有冇睇過馬？我話有，個次沙田都輸到我眼凸添。怎知被她瞪我一眼，原來她是說大會堂上演的話劇「馬」嗚。問我點頂？只好成個夢麟咁企埋一邊，等候時機。

果然皇天不負有心人，到兩三點，舞跳得差不多，酒又飲唔少了，我趕忙走近我一早吼到個靚女（叫做JULIA）旁邊，使出我PRINCE CHARMING 的笑容，寒暄兩句，我就將响西片學番嚟果句使出來：「MY PLACE OR YOURS？」

我一講，就知道自己呢次錯了！果然，她杏眼一瞪，提高嗓子答我：「MINE, OF COURSE！」

我心想這次領嘢了！不過，美女當前，又無理由較腳，只好頂硬上，而且JULIA 又相當健美，一口ESTEE LAUDER 唇膏，一陣陣CHARLIE 香水味，就算她家是虎穴龍潭，也要闖一闖。

她的家當然比我的好，而且她只是一個入住，就更無須尷尬。只可惜，女人即係女人，通屋都係木公仔，風鈴，CUSHION 這類小擺設，我一進去，就幾乎碰跌幾樣俾佢罵我CLUMSY。我都唔明，點解女人要把自己的屋佈置成迷宮或者百貨公司一般，滿地都係玩嘢，但又唔准我亂踏，未上床已被佢省咗一輪，谷住度中氣。

還有她養的一頭貓，我一入屋，就亂跳亂跳的跳到我身上，抓了我一記，我正想一手捉佢落街，怎知JULIA 已把貓接過，抱入懷中：「HEY CAT, DON'T DO THAT！」順手和貓接幾個吻，那小貓還輕輕的舐她唇上的唇膏！想起後來我和她接吻的情形，看來我也吃了不少貓唾沫呢！

打發了貓兒後，我自自然不再浪費時間，但通地通屋都是易碎的東西，我只好把我的公主拖上床去。女人的床又是一絕，根本不是用來做戰場的。我的床既硬淨又堅實，幾年來服侍過不少靚女的了，可惜公主的床只是用來裝飾的，兩個人一大力翻落去，隱約還聽見一些銅鍵的「滋滋」聲，嚇我一跳，幾乎連酒都醒了一半。更要命的是床褥軟綿綿的，一躺下去就像成個人身陷一堆棉花糖面裏一般。最慘還是短到離譜，只有五呎六吋左右，當然，我的公主不過五呎一二，也用不着這樣大的床，可是我就擺命了，試想想自己昂堂五呎十吋的身裁，今晚點剛？

這時候，突然她床邊的電話响了。真掃興！我伸手正想去拿聽筒，罵那王八蛋一頓，怎知她一手按著我，兩眼一瞪，好像說：「呢度係我屋企，點到你惡？」玉手搶過聽筒，「喂」了一聲，電話裏傳來一陣低沉的男人聲。她便柔聲的答一句：「等陣吓——」還向電話傳一個嫵媚的笑容。轉頭過來向我白了一眼，頭橫了一下。我當然會意，只好起身走出房去！當然這是她的家，我有權

聽她講電話！或許來電的是她的男友，或收埋佢嘅波士，總之，我就有晒地位，只好出廳坐。廳中貼著的是阿倫狄龍大海報。嚟！我不禁想起阿珍，那次我和她在我家大戰完畢，我抱著她看我牆上PLAYBOY 的CENTREFOLD，佢重捧著自己的乳房問我：「佢好睇定我好睇？」嗱到我骨頭都軟埋。噫！萬一JULIA 一陣間又抱著我看阿倫狄龍的海報，又問我——

想到這裏，我禁不住起雞皮，往廁所跑。點知重激死——漱口盆有兩撮短短直直的黑髮，肯定不是她的已染黃的頭髮，三枝牙刷放在不同的漱口盅裏（一個女人用三枝牙刷？）一包飄然放在廁所上面，一支按摩器，還有一個DUREX 的空包在膠的垃圾桶內。我的媽！

我的酒全醒了，走入房中，找出我的總督，點起一支。她已經講完電話，正拿著刷子刷頭髮。

「喂，我呢度有ASHTRAY 噢！」

我不做聲。

「我呢度D 嘢好容易燒著啲咋！」

我仍不做聲。

「早知係咁，我就跟你番你屋企啦！話之你搞到烏烟瘴氣，我有眼睇！」

我實在忍不住了。我站起身。

「你唔使咁串，我識做嘅——」

我一肚氣走出街，順手大力關埋佢度門。這些中環女人！

還是阿珍好，無論是純粹租房或是在我的狗賣，至少阿珍係我嘅女人！

△編者按：李阿飛，這算是你的LOOKING FOR MISS GOODBAR 乎？

人蕩江湖

中學時，但係個典型的愛國佬，書蟲，成日睇埋D古靈精怪書
我心想這次領嘢！不過，美女當前，又無理由較腳，只好頂硬上
或許來電的是她的男友，或收埋佢嘅波士，總之，我就有晒地位
我一肚氣走出街，順手大力嘍埋佢度門。這些中環女人